

Inatsisartut suleriaasianni § 36 imm. 2 malillugu Naalackersuisunut ima apeqquutissaqarpunga:

Naalackersuisunut apeqquteqaat: Tunisisussaatitaaneq

(Inatsisartunut ilaasorta q Marie Fleischer, Demokraatit)

Tunnqavilersuut:

Aalisarnej pillugu Inatsisartut inatsisaanni nr. 18 ulloq 31. oktober 1996-imeersumi ima aalajangersagaqarpoq; “§ 22, pisassiissutinik tunniussinermut atatillugu pisat ilaat aalajangersimasunik annertussusillit Kalaallit Nunaanni tunitsivimmut ataatsimut amerlanerusunulluunniit siumut toqqariikkanut tunineqarnissaat Naalackersuisut piumasqaarsinnaapput”.

Isumaqarpunga taama aalajangersaanermi taamani inatsisiliortuusut soqutigisat assigiinngitsut eqqarsaatiginiarsimagaat, ilaatigut avataasiortut aalisarnermit inuiaqatigiit kalaallit aningaasarsiornikkut sunniutit ilaannik pissarsitinniarlugit, soorlu tunisisussaatitaanerup suliffinnik pilersitsinissaq naatsorsuutigalugu. Aalisarnej pillugu Inatsisartut inatsisaat assigiinngitsunik iluarsartuullugu ukiuni qulinngulersuni atuutereersimavoq. Taamaammat killiffiliinissaq siunertaralugu tunisisussaatitaaneq pillugu apeqquutit ataani pineqartut tulluussoraakka.

A. Pisat procentiisa ilaat qanoq amerlatigisut 2005-imi tunisisussaatitaanermit atuutsinneqarpat? Inatsisip akuerineqarneranit ukiut in gerlanerini procenti taanna aalajangersimasuusimava? Apeqquummut kingullermut naaggamik aappimilluunniit akinissaq naammangilaq. Kissaatigineqarporli procentit taggissaq ukiut ingerlanerini allanngorarsimappat nassuiaateqarfigeqqullugu

B. Kilisaatit raajarniutit avataasiortut ukiumut raajanik pisaminnit aalajangersakkatut tunitsivinnut tulaattarsimanerpaat, soorlu 2000-imit 2004 ilanngullugu tulaassisussaatitaanermik aalajangersakkatut, piffissamilu tassani kilisaatit avataasiortut pisassarititaat aamma eqqarsaatigalugit?

B.1 Kalaallit Nunaanni tunisassiorfiit qassit raajarniutit avataasiortut tulaassaasulieqqittarpaat? 2000-imit 2004 ilanngullugu Nunatsinni kilisaatit raajarniutit avataasiortut piffissami taaneqartumi tulaassisussaatitaanerit malillugu naammattunik tunisassiorfeqarsimava? Apeqquartutut kissaatigaara ukiumut tunisassiorsinnaassuseqarneq takussutissalerlugi akissuteqarfineqassasoq kiisalu raajanik tulaassisussaatitaanermi annertussutsinut nallersuunneqarluni.

B.2 Raajarniutit avataasiortut ilaat amerlanerilluunniit tulaassisussaatitaanermik eqquutsitsisimangippata makku paaserusunnarput; Qanoq annertutigisut pineqarpat, tassunga innersuussutigineqassapput ingerlatseqatigiiffiit/kilisaatit ataasiakkaat pisassinneqarneri, 2000-imit 2004 ilanngullugu tulaassat annertussusaat ukiumut pisassinneqarnerinut takussutissianngorlugit paasissutissiinikkut. Taamattaq qanoq annertutigisut tulaanneqartussaagaluartut takussutissiamut ilannguteqquneqarpoq.

C. Immikkut pisoqartillugu kilisaataatillit tulaassisussaatitaanermiinnit naammassinnginnissaat Naalackersuisunit akuerineqartarsimanerluni? Taamaattoqarsimappat kissaatigineqarpoq

kilisaataatillit taama sumiginnaasarnerini iliuuseqarfigineqartannginnerini aningaasarsiornikkut suliffissaqartitsinikkullu iluaqutaasut Naalakkersuisut akissuteqarnerminni iluaqutaasut nalilersimaneraat pingartinneqassaaq?

D. Piffissami 2000-2004-mi raajanik Nunatsinni tunisassiorfimmi sularineqartussaagaluartunik nunanut allanut tunisinissaannut kilisaataatillit arlaat Naalakkersuisut akuerisimanerpaat?

D.1 Taamaattoqarsimappat raajat tulaanneqartussaagaluartut qanoq annertutigisut avammut tunineqarnissaannut piffissami 2000-2004 qassinik akuersissuteqartoqarsimava? Kilisaataatillit ataasiakkaarlugit raajanik tulaanneqartussanik avammut tunisat qanoq annertutigisut naatsorsorneqarneri takorusunnarpoq.

E. Raajat tulaanneqartussaagaluartut nunani allani suliarineqartussanngorlugit nassiunneqartut sumut ingerlanneqarsimanersut nalunaarutigeqquneqarpoq?

F. Suliffeqarfiit aalisakkanik suliarinnittartut kalaallit pigisaat raajanik tulaassassanik Nunatta avataanik suliarinnittoqartarpa? Taamaattoqassappat kilisaateqatigiit / suliffeqarfiit suut taama suliaqartarnerisut paaserusunnarpoq. Taamattaaq taama suliaqartarnermi suliffiit qanoq amerlatiginersut paaserusunnaarpoq?